



**R. P. Lvcæ Pinelli Societatis Iesv, Theologi, Exercitia
Spiritvalia Qvadraginta, De Sacrosancto Eucharistiæ
Sacramento**

Pinelli, Luca

Coloniae, 1608

Exercitivm V. De humilitate quam Christus in hoc Sacramento
demonstrauit.

[urn:nbn:de:hbz:466:1-59691](#)

EXERCITIVM V.

*De humilitate quam Christus in hoc
Sacramento demon-
stravit.*

PUNCTA MEDITATIONIS.

1. **C**ONTEMPLARE anima fidelis,
quomodo Christus diuinissimum
hoc Sacramentum institutus, tantam in
se humilitatem exhibuit, ut etiam Angelos
attoritos reddiderit. Quia surgens à men-
sa, præcinxit se linteo, & ante Apostolos
suos in genua procumbens, sordidos co-
rum pedes lauit.

2. **C**ONSIDER A, quomodo humilis
Iesus quamuis exploratum haberet, iam
à Iuda se hostibus suis Iudeis vili prelio
venditum esse, non tamen in eum excan-
duit, sed humillimè tantam iniuriam to-
lerauit, & in vicem tanti sacrilegij punien-
di, semetipsum ei in salutifero hoc Sacra-
mento præbuit, ut sic eum ad lapsus sui ag-
nitione in reuocaret.

3. **R**E VOLVE quomodo Christus
Dominus, maiestatis & excellentiæ suæ
quodammodo oblitus, non modò in nobis
in

DE SAC. EVCHARISTIAE. 29
in cibum in Sacramento hoc mystico præ-
buit, sed etiam ab hominibus indignis, sce-
leratis & factilegis, sumi non dedigna-
tur.

4. EXPENDS tecum Christi humi-
litatem, quo ad idem Sacramentum: quia
licet in cælis in gloria sua adoretur & eo-
latur ab Angelis, nihilominus quoties Sa-
cerdos consecrat, etiam in terris in sacra
hostia verè præsens esse, ac versari ad ho-
minum salutem & utilitatem non detre-
stat.

5. CONSIDERA, Christum humilem
non dignari, etiam ad Sacerdotis sce-
rati sacra consecrationis verba proferentis,
de cælis in altare descendere: nec præterea
curare, an consecratio in urbe celebri, ma-
gna cum pompa & apparatu: an vero in op-
pido seu villa, sine viro apparatu peragatur
quia amorosa humilitas ipsius efficit, ut se
cunctis, ad omnes homines iuuandos ac-
commodaret.

COLLOQUIVM.

O Angeli, o Cherubini, o Seraphini, o
omnes beatorum anime, surgite atq;
sedibus vestris relictis descendite, ut con-
templemini Regem vestrum sub specie
panis absconditum, ab amoris potentia ad tam
B 3 humi-

humilitatem redactum , vt cibus effectus sit hominum. Intuemini eum quamdiu libet; inuenietis enim , eundem illum qui in cælis imperat; qui gloriosus ad D E i Patris dexteram residet ; cui vos in sublimi maiestatis suæ throno sedenti ceruices vestras inclinatis ; qui denique cælum & terram , & quicquid eorum complexu continetur creauit, factum esse cibum & alimento nostrum. O opus stupendum. Quando huic vnquam in mudo simile auditum fuit, quod manducet Dominum pauper seruus & humilis ? Verum quid dicetis, o Spiritus superni, de profunda humilitate vestri & nostri Creatoris? Nū cantabitis ei. Gloria in altissimis DEO, quemadmodum in die natali eius cecin sis , quando in stabulo ac præsepio humili et carne nostra circum amictus apparuit : An verò concinetis ei, Panis Angelicus fit panis hominum, quādoquidē modo etiam humilis & accidentibus panis contextus appetet?

Aduerte anima mea , quomodo Seruator noster summæ maiestatis Dominus, nostri causa indies magis ac magis sese humiliet. Ut nobis inferuiret, factus est seruus noster. Ut nos cælesti doctrina instrueret, factus est magister noster. Ut nobis semitam æternæ fælicitatis demonstraret,

factus

factus est dux noster: Denique ut nos cibaret, factus est panis noster Quid autem hoc aliud est, quam se humiliare propter commodum nostrum: O humilitatem inauditam. Quandoquidem ergo Domine pretiosus hic cibus à te cum humilitate præparatus fuit, necessarium quoque erit, ut ego cum summa cum animi submissione ac humilitate suscipiam. Sed quis mihi largitur hanc humilitatis virtutem, tibi tantoperè gratam, mihiq; ad huius Sacramenti sumptionem apprimè necessariam: ad quæ pro auxiliis imploratione me conuertam: cuius opem inuocabo: O M A R I A præclarum veræ humilitatis exemplar, dignare apud humilem Filium tuum pro me intercedere, mihique hanc gratiam impetrare, ut intus & foris vestiri merear humilitate, ut hac nuptiali veste indutus, atq; corā Filio tuo comparens, non audiam: Projicite eum in tenebras exteriores. Fac Mater sanctissima precibus tuis, ut quemadmodum tu Mater D E I & Angelorum Regina constituta, ancillam Domini te nuncupasti, non ex nuda quadam cæremonia, sed quod reuera sic de teipsa in corde sentires: ita & ego iatrinsecus indignum (vti reuera sum) me censeam, qui augustissimi huius Sacramenti particeps efficiar.

ORATIO.

O Humilis & mansuete IESV, qui superbis resistis, humilibus autem das gratiam, illustra mentem meam luce tua, ut intrinsecus agnoscam quis ego sum, & quis tu, qui subsacra hostia vere contineris, ne specierum te obuelantiu[m] vilitas, tua maiestatis excellentiam a me abscondat: & ut meam humilitatem peruidens, cor a augustissimo hoc Sacramento me profundissime humiliem, quod tu summa cum humilitate instituisti, ut me per illud ad celestem patriam proueheres & exaltares.

MIRACVLA.

A Nno à Natiuit. Domini. 1384. in pago Seueld quidam Osuualdus Mulser nobili ortus prosapia, tempore Paschali ex præcepto Ecclesiae sacram Eucharistiam percepturus, communi hostia non contentus, maiorem sibi consecrari voluit. Cui Sacerdos ex metu pernitosè assensus est. Cumq[ue] consecratione peracta, sacram hostiam prædicto Osualdo porrecturus, & linguae impositurus esset, statim terra sub

DE SAC. EVCHARISTIAE. 53

Sub pedibus eius quasi cum absorptura,
fatiscere atque aperi*t*i cœpit, quem etiam
ad genua usque iam deglutiuerat, cum esse
manibus altare iuxta quod genua flexerat,
apprehendit, sed illud repente, quamuis ex
durissimo lapide constaret, instar ceræ
liquefactum, manibus eius ita cessit, ut ma-
nuum eius vestigia in lapide impressa re-
manserint. Diuinam igitur vindictam
misit præsentiens, & pænitentia temerita-
tis suæ mox ductus, veniam superbiæ atque
arrogantiæ suæ à D^eo flagitauit. Cum
verò D^eo id haud quaquam perimitente,
sacram hostiâ deglutire nequiret, Sacerdos
eam recipiens in sacrarium reposuit, quæ
etiamnum hodie istic sanguineo colore
diuinitus tincta, & ex linguae saliuæ non-
nihil contracta conspicitur. In altari etiam
adhuc nostra ætate manuum Osualdi ve-
stigia cernuntur & contrectantur: & iuxta
illud terræ hiatus, à quo iam absorberi cæ-
perat, modò ferreis cancellis obrectus. Til-
man. Bredenbach. lib. 1. sacrar. collat. cap. 42.
ibi hanc historiam fusiū narrat.

S. Hieronymus in extrema infirmitate
constitutus, cum viuæ suæ finem adesse in-
telligeret, Dominicum corpus sibi adserri
poposcit. Quod cum allatum esset, in terrâ
facco iheriatam è lecto se deponi voluit,

B. 5

ibique

ibique genibus magna cum humilitate ac
zeuerentia flexis, sacrum Christi corpus su-
cepit. Eusebius in vita ipsius.

Surius 28. Ianuarij, de S. Margareta filia
Regis Hungariæ, scribit; illam in augustissimi
huius Sacramenti susceptione tanta
humilitate solitam vti fuisse, vt cum præter
ieunium præcedentis diei, quo pane tantum
& aqua contenta erat; & totam noctem in
orationibus transactam, cum ignoraret
quibus præterea obsequijs, quoue cultu ac
humilitate sacrum Christi corpus venera-
getur, mappulam ante communicantes ex-
pandi solitam, tenere consueuerit.

S. Bonaventura, cum quodam tempore
fratribus communicantibus, in choro fer-
uentes ad D E M preces funderet, seque
augustissimi huius Sacramenti sumptione
indignum reputaret, nec vel mille annos
sibi ad condignam præparationem suffi-
cere iudicaret, tam grata & iucunda fuit
D E O hæc animi submissio, vt miraculosè
allum sacræ Eucharistiaæ, participem fe-
cerit; quædam enim sacrarum hostia-
rum ab altari, in os eius aduolauit

DOCUMENTVM.

Fili, recordare Sacramentum hoc appellari Eucharistiam hoc est, bonam gratiam: Et nosti gratiam humilibus duntur taxat conferri, quare qui animo arroganti & elato ad hæc sacra mysteria se ingenerere præsumit, à DEO, qui reuerat in hoc Sacramento præsens est, derelinquitur. DEVS enim, Scriptura teste, superbos à longè cognoscit. Hinc igitur intellige ac documentum cape Fili, quod quantò profundius te humiliaueris, tantò diuinæ Maiestatis oculis gratiæ eris.

Orabis pro omnibus Prælatis & Domini terrarum, ut D eus suorum cognitione illos illuminet, seque perinde ut subditos suos de terra formatos agnoscant.

cant.

36

EXER-